

DEKLARACIJA

o saradnji između **Historijskog arhiva Sarajevo** i **Državnog arhiva u Zadru**

koja se temelji na na bazi zajedničke želje i obostranog interesa, da se nastave i da se dalje razvijaju tradicionalno dobri i prijateljski odnosi i stručna saradnja.

* * *

Historijski arhiv Sarajevo i Državni arhiv u Zadru izrazili su želju i potrebu za formalizacijom saradnje na području arhivske djelatnosti i pomoćnih historijskih nauka. Izraženo je htijenje za unapređenjem očuvanja kulturne baštine i razmjenu ideja i pozitivnih iskustava između arhiva u pogledu valorizacije, zaštite arhivske građe u konvencionalnom i nekonvencionalnom obliku, vođenja evidencija, poboljšanja dostupnosti i digitalizacije arhivske građe.

Za ispunjenje gore navedenih ciljeva, što omogućava koordinaciju i razmjenu informacija i iskustava između arhiva:

1. Historijski arhiv Sarajevo i Državni arhiv u Zadru obezbjediće razmjenu posjeta arhivista sa ciljem razmjene iskustava o organizovanju i radu arhiva; o zaštiti, obradi i korištenju arhivske građe, o mikrofilmovanju, konzerviranju i restauraciji, te o automatskoj obradi podataka u arhivima.
2. Historijski arhiv Sarajevo i Državni arhiv u Zadru će, u svrhu popune i kompletiranja svojih arhivskih fondova i zbirki novim izvorima značajnim za historiju Republike Hrvatske i Bosne i Hercegovine, a posebno gradova Zadra i Sarajeva koji su historijski u jednom vremenskom periodu djelili zajedničku sudbinu, vršiti međusobnu razmjenu informacija, istraživati i vršiti razmjenu kopija arhivske građe u skladu sa zakonskim propisima Hrvatske i Bosne i Hercegovine.
3. Historijski arhiv Sarajevo i Državni arhiv u Zadru razmjenjivat će sopstvene publikacije, zbornike dokumenata, stručnu i naučnu literaturu, organizovaće stručna i naučna savjetovanja iz područja arhivske službe i pomagaće se u obuci

kadrova. Dvije strane mogu, u skladu sa potrebama i međusobnim dogovorom, izdavati zajedničke ili samostalne zbornike dokumenata o historijskim odnosima, odnosno vezama Zadra i Sarajeva, te će razmjenjivati tematske i druge arhivske izložbe.

4. Historijski arhiv Sarajevo i Državni arhiv u Zadru postigli su saglasnost o besplatnoj i reciprocitetnoj razmjeni kopija arhivske građe. Ukoliko nije suprotstavljena preuzetim obavezama, omogućiće se besplatna razmjena arhivske građe snimljene u trećim institucijama. Tokom istraživanja arhivske građe u trećim institucijama, obje institucije su voljne da prenose informacije o evidentiranoj arhivskoj građi, ukoliko je pomenuta građa relevantna za historiju neke od njih.
5. Historijski arhiv Sarajevo i Državni arhiv u Zadru sporazumno će sačiniti program o razmjeni posjeta i edukaciji arhivskih stručnjaka i o drugim vidovima saradnje koji su predviđeni Deklaracijom.

Ova deklaracija je pravovaljana tokom narednog perioda (bez vremenskog ograničenja) koji počinje da teče od datuma potpisivanja, sve dok jedna od strana ne iskaže želju za raskidanjem deklaracije.

Službeni jezici sporazumijevanja su bosanski i hrvatski.

U Sarajevu,

DRŽAVNI ARHIV U ZADRU

ravnatelj
Ante GVERIĆ



HISTORIJSKI ARHIV SARAJEVO

direktor
Sejdalija GUŠIĆ

